



Erik Jensen
Inatsisartunut ilaasortaq, Siumut

**Akissuteqaat § 37 naapertorlugu apeqqtunut nr. 021/2022 – Saviminilerinermik
Ilinniarfiup Sisimiunut nuunnissaa pillugu**

04-02-2022
Sagsnr. 2022 - 2203
Akt nr. 19096528

Postboks 1029
3900 Nuuk
Tlf: +299 34 50 00
Email: ikin@nanoq.gl
www.nanoq.gl

Asasara Erik Jensen,

Qujanaq apeqquteqaatigisannut Inatsisartut suleriaasiat naapertorlugu. Taakkua uani
ataani akissuteqarfigissavakka.

Apeqqut 1: *Saviminilerinermik ilinniarfiup Sisimiunut nuunneqarnissaanik
siusinnerusukkut aalajangersimaneq maanna Naalakkersuisunit
unitsinneqarsimaneranut suna pissutaava?*

Akissut: Naalakkersuisut unitsissimangilaat siusinnerusukkut aalajangerneq
Saviminilerinermik Ilinniarfiup Nuummiit Sisimiunut nuunneqarnissaanik. Nutaanik
naalakkersuisooqatigiinnik IA-p aamma Naleqqap akornanni pilersitsinissaq sioqqullugu
suliariumannittussarsiuussinissamut piukkunnartorsiuinermik siunnersortit akornanni
ingerlatsisoqarpoq, qaaqqusisoqarmat siunnersuutininik suliniutissap qanoq ittunik
imaqarnissaanut saqqummiussinissamik, kiisalu neqeroorutininik suliniutip pingaarnep
qanoq suliarineqarnissaanut aamma neqeroortitsinissamut tunngaviusussanik
siunnersuutininik. Kisiannili qinersisoqartussanngornerata kingunerisaanik suliniummut
pingaarnermut piareersaasiornissamut titartaasartunut ajugaasunut
isumaqatigiissuteqartoqarani.

Apeqqut 2: *Titartaasartuninik/siunnersortininik neqeroortitsisoqareernerata kingorna
siunnersortininik suliarineqarnissaa qanoq ingerlaqqinnikuua?*

Akissut: Naalakkersuisooqatigiinnik nutaanik IA aamma Naleraq pilersitsinngitsartut
suliariumannittussarsiuussinissamut piukkunnartorsiorneq siunnersortit neqerooqqullugit
suliniummut pingaarnermut aamma neqeroorutissamut atatillugu
kaammattorneqarsimasut akornanni ingerlatsisoqarpoq.

Neqeroortitsinermi siunnersuut ajugaasoq suliaavoq titartaasartut KRH Arkitekter Danmark-imeersunit.

Inatsisartunut 2021-imi qinersisoqarnera pissutaalluni neqeroorutaasut atortiinnaqarsinnaanerannik sivitsuisinnaaneq KRH Arkitektit akuerinngilaat. Pissusissamisoorinneqarsimanngilaq ilassutitut sivitsuinissaq, piffissaliussaasup sivitsorneqartussap iluani ajornartussaammat qulaajassallugit qaqugukkut Naalackersuisut inaarutaasumik ilinniartitaanernik ingerlatsiviit nuunneqarsinnaaneritut pilersaarutininik inaarutaasumik qulaajaasinnaanerat.

Apeqqut 3: *Titartaasartunik /siunnersortinik neqeroortitsisoqarneranut atatillugu mannamut qanoq annertutigisut aningaasartuutaareerpat?*

Akissut: Saviminilerinermik Ilinniarfimmik nutaamik Sisimiuni sanaartornissamut piareersaatissat titartaanerillu aningaasaliivigineqarput 10,0 mio. kr.-inik, maannamullu 569.108 kr.-it atorneqarsimallutik.

Apeqqut 4: *Saviminilerinermik ilinniarfiup qanoq pineqarnissaa Naalackersuisut qaqugu Inatsisartunut innuttaasunullu paasissutissiissutigissavaat?*

Akissut: Naalackersuisut Inatsisartut aamma innuttaasut paasissutississavaat Naalackersuisut aalajangiinissamut tunngavissat isummerfiginiariarpatigit.

Apeqqut 5: *Naalackersuisut allanik paasissutissaasinnaasunik peqarpat?*

Akissut: Naamik - Naalackersuisut allanik agguanneqarsinnaasunik paasissutissaateqanngillat.

Inussiarnersumik inuulluaqqusillunga


Peter Olsen